

Азьланьын но тазы мыныны кулэ овол

Профсоюзной организациосю рс'эсын ляд'ясыкись нитьёсын асьме партиен герзаськемын. Профсоюз'эс коммунизм-лэн школаез. Соос 22 миллион муртлэсь но ятыр огазеяло.


Асьмелэн профсоюзной организациослэн нырысь ужпуменызы ужасьёсыз но служащойёсыз политика ласянь воспитать карыны но большевизмез киултыны сюлмаськон луэ. Та ужпум ВКП(б) ЦК-лэн пленумезлэн решениез'я но выль избирательной системая быр'ён'ёслы дасяськонын бадзым данлык басьтэ.

Озы но Можга городын профсоюзной ужлы та дырозь кулэ внимание уг шейськы. Профсоюзной ужлэсь кулэзэ валамтэен гинэ тае валэктны уг луы. Та ласянь партилэсь нуналлы быдэ массово-политической уж вёлмытонэз сярысь решениез нарушать керем луэ. Городын ог'я городской профсоюзной собраниос уг луыло. Собраниос предприятиосын, завод'эсын талы тырмыт дасяськытэк ортчылэ.

ВЦСПС-лэн берло пленумез профсоюзной ужез умоятон сярысь паськыт решение поттыз. Та решение но уноосаз профсоюзной организациосын та дырозь изучаться уг карисько. Кылсярысь, басьтомы муз'ем ужын ужасьёслэсь союззылэсь организацизэ. Верам организация пичи ёвл: татын 93 член'эс ляд'ясько. Группкомлэн председателез Носов эш член'эс пушкын кызы ВЦСПС-лэн пленумезлэн решениесыз изучаться карисько уг тоды. Со шуэ: „Ми 4 мурт эш'ёсыз изучать карон понна ответственныйное вис'ямын, нош мар соос лэстьто мон уг тодыськы, ой эскерылы“ Тазы ик веранё луоз политпросвет работник'эслэн союззылэн организацизы сярысь (группкомлэн председателез Кошкин).

Куд предприятиосын, кылсярысь, „Удмурт“ заводын пленумлэсь решениеосэ изучать карыны кутскемын, нош докладчик'эс тырмыт инструктировать карымгэ. ВКП(б) райком но та дырозь ВЦСПС-лэсь решениеосэ изучать карон кивалтон борды тырмыт ёз кутскы на.

20 ар талэсь азьвыл



СУРЕД ВЪЛЫН—красногвардеец'эс гражданской ож дыр'я Вало шур вамен потысь чугун сюрес выжез возымало.
Фотоз Гладкихлэн.

Мукет кун'ёсын

Парижысь международной выставкын

ПАРИЖ, 31 мае. Международной выставка нуналлы быдэ кызы ке иностранной озы ик французской вылэсь но вылэсь павильён'эс усьтисько. Выставка уно экспонат'эсыныз но павильён'эсыныз архитектурной оформлениосыныз туж бадзым интерес басьтэ.

Выставкаын усьтэмын но таё павильён'эс действовать каро: СССР-лэн, Норвегилэн, Италилен, Данилен, Бельгилэн, Голландилэн, Германилен, Палестинален но Швейцарилэн. Французской прессалэн павильён'эсыз но мукетыз усьтэмын.

Мятежник'ёлэн войскоосазы разложение

ВАЛЕНСИЯ, 6 ИЮНЕ. Центральной фронтын Вальдеморильо районын республиканец'эс громкоговорительтй фашистской линии испанской правительстволэсь „Белой книгальэсь“ содержанизэ сёттызы. Мятежник'ёсын передача чалмыт кариськыса кылдыськемын вал. Со бере фашистской

окоп'эсын перестрелкаос кутскизы, кудыз ручной гранат'эслэн взрывёсыныз но пулемет'эслэн куараосынызы орчизы. Та 1 час но жыны кыстыськиз.

Мукетаз нуналэ республиканец'эс фашистской окоп'эсысь уно шойёсыз шодтызы.

Берлинын быдтон'эс

БЕРЛИН, 4 июне. Туннэ чукуна, кызы ивортэ германской юстиции министерство, Берлинын Гельмут Гирш но Оскар Дернер быдтэмын.

Гельмут Гирш 8 мартэ „Народный суд“ шуиськисен террористической акт дася шуыса быдтыны приговорить каремын, пе, вал. 20 арес'ем, Оскар Дернер 1936 аге 12 декабре государственной измена лэстэмен янгыше уськытыса быдтыны приговорить каремын вал.

Можга городын пожарен нюръяськонлэсь мынэмзэ эскерон рейд

Та нунал'эсы партилен районной комитетэз Можга городын пожарен нюр'яськонлэн состояниез сярысь РО НКВД-лэсь докладзэ кылзйз. Райком горсоветэз, РИК-лэн юртэмез'я но кивалтэмез'я, паськыт советской, комсомольской но профсоюзной активез кыкыса 10 июнисен 20 июнэзэ городысь но предприятиосысь

вань строениосыз эскерон противопожарной декадник ортчытыны косйз. Райком печатез но радиоэз рейдлэсь ортчезмэ возматон ласянь но противопожарной минимумез быдэстыны нюр'яськонын массаосыз организовать карон ласянь рейдлы юртэт кылдытыны косйз.

СССР-ти

А. П. Смертина

колхозница лэн книгаез КИРОВ, 4 июне. „Новый строй“ колхозысь стахановкальноводка А. П. Смертина кылем арын быдэ Кировской областын самой выль удалтэмо етын бастыз: гектарысь 13,7 центнер, етын мертчан.

Смертина стахановкалэн опытэныз сюрсэн ляд'ясыкись колхозницаос-льно в о д к а о с тунсык'ясыкыны кутскизы. Та дыр'я Кировской областлэн бусыосаз 2600 етын'я стахановской звеноос ляд'ясько. Соос котькуд гектарысь 16 центнерозь етын мертчан бастыны обязательствоос сёттызы. Аслаз опытэныз колхозницаосыз тодматскытса, Смертина интысь печатыйи „Кызы етынлэсь выль удалтоилыкэ бастыно“ шуыса лекциосын выступать кариз. Та нунал'эсын ик та лекциос та ним'эсын ик нимаз книгаен поттыз.

Предприятиосын фольклорез гож'ян

КИЕВ, 6 июне. УССР-ысь Академи наукалэн Украинской фольклор Институтысь тыз сотрудник'эс Киевысь, Харьковысь, Ворошиловградсь, Запорожьеысь, предприятиосын но Украинаысь мукет город'эсын сказкаос, кырзан'эс, частушкаос, поговоркаос гож'ян орчтытызы. Ваньмыз 1 сюрс котыр гожтэм'эс лэстэмын. Люкам материал'эс сборникын использовать каремын луозы, кудыз Великой пролетарской революцилен 20 ар тырмемезлы дасяське.

Виль фабрика

Ижевскысь „Березоль“ артельлы, Всекоопромсоюз виль мебельной фабрика лэстыон понна 60 сюрс манет лэзиз. Али стригельной материал'эс дасян кутскиз.

Кызы собраниосыз ортчыт'яно өвөл

Можга селосы стрельковой спортлэн кивалтисез Константинов эш 1 июне во рошиловской стрелок'ёслэсь кружоксэс люказ. Кружок член'ёс люкасыкызы, нош кружок өз луы. Малыке шуоно комсорг Юскин комсомольской собрание ортчытыны „решить“ кариз.

Тани комсомольской собрание усьтискиз, кызы кулэ собрание ортчытон понна председатель но секретарь бырйизы, нош эскероно ужпумзы өвөл.

— Мае бен обсуждать каром?—собранилэн председателез юаз.

— Комсомолэ выль пырисьёсыз кутано,—Юскин комсорг собрания чекктэ.

— Эскероно ужпуме физической ужез, воспитательной ужез, выль избирательной система бырйисконлы дасясконэз пыртоно,—мукет'ёс шуо.

Одиг интыязы кема вырйизы. Берпумзэ вераса, собраниян эскерыны таңе ужпум пус'йизы:

1. Выль член'ёсыз кутон.
2. Бырйисконлы дасяскон.
3. Воспитательной уж.

Нырысь ужпум'я Юскин комсорг вераськыны кулэ вал. Нош комсомолэ пырон сярись одиг куриськон но вылымтэ, нош заполнить карем анкетаос эскерымтэ вылэм. Озыкено, комсомолэ пыр-

тонэз ортчытыны кариськызы. Выль пырись муртлы юан'ёс сёт'яны куатскизы.

— Програмаен но уставен тодмо-а?—юазы комсомолэ выль пырись муртлэсь.

— Овёл,—вераз соиз. Комсомолэз пыртоноз кельтыны решить каризы. Кыктей ужпумез эскерыны кутскизы. Та ужпум'я доклад пропагандист Кочетков лэстыны кулэ вал. Докладлы дасяскемын өвёл бере материалэз газетэсь лыдзыны кариськызы. Эскероно ужпум'я юан'ёс но выступать карем'ёс ой вал.

Куиньметй ужпумез—воспитательной уж—эскероноз потйзы.

Та ужпум'я комсорг Юскин вераськызы:

— Комсомолец'ёс членской взнос'ёссэс уг тыро, кылсарысь, комсомолец Пономарев И. но мукет'ёсыз,—таин „докладэз“ быриз.

Берло почтовой агент Юскин Н. вераськызы. Комсомолец'ёс номыр но уг лыдзо газет'ёс выписывать уг каро шуыса собрания ивортйз.

Таин собрание быриз.

Озы комсорг Юскинлэн инициативаез'я комсомольской организация собрания опозлеть кариз. Та одиг гинэ пример өвёл Можга селосы комсомольской организацилэи урод ужамез сярись.

Зверев.

Али ик быдэстоно уж

Заготзернолэн склад'ёсаз чален выль удалтэмысь юос вуозы. Куд район'ёсысь кыдэмысь колхоз'ёсысь уно потозы автомобильной но гужевой транспорт. Та асьмелэсь умой лэстытэ сюрес'ёсыз, арлэн котькуд дыр'ёсаз но котькыңе куазен ярамзэ кулэ кароз.

Асьме район'я ю октоналтон кутскытоз 5,5 километр шебочной шоссеос, 8 километр—гравийной, 16 километр добкаосын умоятэм сюрес'ёс, 4 километр грунтовой профилированной сюрес'ёс, 85 погонной метр выж'ёс лэстытоно луоз. 39325 кубо-

метр муз'ем, 3218 кубометр из, 7268 кубометр гравий, 700 кубометр нюлэс, 8662 кубометр луо вортоно. Та уж'ёсыз быдэстыны 38816 пыдын-нунал'ёс, 15186 валэн нунал'ёс но 118 автонунал'ёс кулэ луозы. Таңе али ик быдэстоно уж.

Ужлэсь азинылыко ортчемзэ котькуд колхозын сюрес лэстытон'я постоянной организации карем бригадаос решать карозы. Соос пдьн соцшошатсконэз вольмытоно но сюрес лэстыны кулэ лусь тйрлык'ёс дасяно.

Сюрес лэстытон планэз обрщцово ортчытом! Шаклеин.

Райздравовской чародей

„Амбулаториез лэстыны кулэ? Кулэ. Коньдон вань? Овёл. Кытысь бен соосты бастод? Ага! Больница туэ арын сметая капитальной ремонтлы 45 сюрс манет бастыны кулэ. Вай та суммаысь ог 25 сюрс'ёс амбулаториез лэстытоно кушто!.. Больница лэсь липетсэ буйтэк но яралоз, нылпи вордон коркаез тупаттэк но луоз, больница лэсь нылпыослы люкетсэ толалтэ азелы кезытэн кельгыны луоз, вуэн снабжать карон чидалоз, электростанцияез законсервировать карса но номыр уз лу ни, нош рентген кабзэ но возъмалоз“.

Амбулаториез вуттыны понна коньдон уткакыз тазы-

гес планировать кариз чародейлэн искусствоез выллемен райздравлэн заведующиез Ванильев эш. Та дыр'я со больницалэн главной враченыз но горсоветэн вераськонлэсь кужмысь палэнтскылэз. Тазы пус'йыса но аслаз чурит кынызы та ужрад'ёсты улонь нуыны турттэ...

Пырак вераса амбулаториез вуттыны кулэ. Нош кызы бен больницаен? Вылй верам сямен ик-а ма со кылэно луоз? Озы бен узлу-а та, что больница сёрискем тусь дуре кылэз, нош амбулатория лэстытыса вуттэмын уз луы. Та ласянь малпано луоз?

Феофилактв.

Выль Испанской правительство

Испанин республиканской правительствоез воштон ортчиз. Фронтын но тылын серьёзной муг'ёс кылдэмен тае лэстытоно луиз. Военной фронт'ёсын фашистской интервент'ёс, Мадрид дорын пазьгем'ёс—вылысь наступать карон ужрад кутйзы. Та радэ соос северной фронтын баск'ёслэн куназы наступать карыны туртто. Фашист'ёс та кунлэсь столицазэ Бильбаозэ бастыны туртто. Интервент'ёс северной фронтын 20 сюрс'ем итальянской войскаос люказы, соослы юртыны 30 сюрс испанской фашист'ёсыз но марокканец'ёсыз сётйзы. Испанской республиканской правительство азын сылэз но сылэ баскской калыклы решительной военной юрттэт сётон. Нош со понна мукет фронт'ёсын республиканской армиен единой кивалтонэз кужмоатонэз умоятэм кулэ.

Правительство азын кулэ ужен республиканской тылэз юнматон но сылэ. Вань испанской калык тылын юн порядок тупатэмез куре. Калык массаос тыл фронтэз дополнять мед кароз но солы тырмыт юрттэт мед сётос шуыса

мылкыдзэс сёто.

Республиканской тылын фашистской агентураос действовать каро на. Кылсарысь, фашизмлэн троцкистской агент'ёсыз кемалас ик өвёл Каталониин (Испанин автономной область) вооружонной мятеж лэстызы. Каталония Испанин кулэлыко промышленной область. Каталонской промышленность, республиканской арми понна военной снаряженилы уно предмет'ёс сётэ. Соин ик фашист'ёс но соослэн агент'ёсы—тужгес но троцкист'ёс Каталониин асьсэлэсь подрывной ужзэс кужмо нуо. Апрельлэн пумаз Каталонской правительство тылын порядокез юнматон сярись расперяжение потйз. Троцкистской бандит'ёс киосазы пычал'ёсын правительство пумитэ султйзы. Апрельлэн берло числаосаз но майлэн нырысь числаосаз Каталонилэн Главной городэзлэн Барселоналэн урам'ёсаз столкновение ортчизы. Туж уно сю мурт виемын вал. Фашистской генерал'ёс радио пыр Барселонской троцкист'ёслы соосыз поддержать карон ласянь вазиськылйзы. Нош ка-

лык массаос гнусно троцкистской виисьёслэсь выступленизэс пазьгизы.

Котькулэсь но юн республиканской тылын фашизмлэн троцкистской агентуразэ зйбон сярись кулэлык султйз. Вуж правительство, кудйз Ларго Кабальеролэн возглавляться кариське вал, бадзымесь ужпум'ёсын исправиться кариськыны өз быгаты. Со бадзымесь военной мероприятиос, өз ортчыты куд'ёсыз северной фронтын Бильбаозэ защищать карисьёслэсь положенизэс капчиятысал. Правительство троцкист'ёслэсь тылын ортчытиськись преступной подрывной ужзэс өз быдты.

Ваньмыз та коммунистической партиез—испанской калыклэсь главной оплотсэ—правительстволэн ужаз тырмытэос сярись ужпум пуктэмез куриз. Кабальеролэн правительствоез отставкае кошкыз.

Выль Испанской правительстволэн главаеныз Хуан Негрин сылэ. Азыло правительствойн Негрин коньдон ужпум'я министр вал. Со социалистической партилы принадлежать каре. Обороналэн министрз Индалесио Прието луэ. Азыло правительствойн со морской но авиация уж-

пум'я министрэн вал. Прието озы ик социалист. Просвещения но муз'ем ужпумьсь коммунистической министр'ёс Хесус Эрнандес но Висенте Урибе асьсэ пост'ёсазы ик кылызы. Та 4 министр'ёс сяна правительствое эшшо одиг социалист, Республиканской союзлэн одиг членэз, республиканской левойлэн одиг членэз, Каталонской левойлэн одиг членэз но одиг Баскский националист пыро. Озы бере правительствойн вань народный фронтсы партиос участвовать каро.

Негринлэн правительствоезлэн опубликовать карем заявлениаз вераське: „Правительстволэн главной миссиез (ужпумез) мятежник'ёсыз но иностранной интервент'ёсыз зйбонэ калык массаосыз ваён бордын луэ шуыса ляд'я. Яке правительство оске, Испанин со дырозь мир пуктыны уг луы, быдэскын мятежез зйбытоз. Правительство тылын порядок ортчитонэз поддержать каре. Малыке шуоно вормонэз азинтонэз бастоннын та существенной фактэн (условиен) луэ“. Выль Испанской правительстволэн та бадзымесь ужпум'ёсыз быдэстон понна луонлык'ёсыз тырмытэсь.

И. Александров.



„Ленин'ялэн“ 43 (453) номер'эсаз 3 номеро детсадын нылпиослэн „Гырон быдтон“ праздниклы дасьякемзы сярсы ивортэмын вал. СУРЕД ВЫЛЫН—(паллянысен бур пала) Адик Бабушкин Нина Казакова, Боря Конькин, Мая Курылева, Федя Калмыков но Рита Алексюк украинской гопакез экто.

Фотоез Гладикилэн.

Мар луоз праздник дыр'я

„Трактор“ коммуна ю-тысь кизёнэ, пыш-куж культураосты кизёнэ но пар гыронэ туж усто быдэстйз. „Гырон быдтон“ праздник дыр'я отын „Крепостные“ постановка, вераськись кино, интысь физкультурник'эслэн выступленизы, автомашинаен ворттылон луоз. Ларек но нуллыса вуз карон ужалоз. Таин чош ик

татын сельхозвыставка луоз. Выставка возматоз мар вал оген ульсь хозяйстволэн но маиз вал коммуналэн. Сельской хозяйстволэн котькоче удьсысьтыз 1934 арысен 1936 арозь будэм'эссэ возматись но 1937 арын мар бастэмын луонэз возматись диаграмма лэсьтйське.

„РККА“ колхозын праздник

Милям колхоз „Гырон быдтон“ праздникез бадзьемез ужазинскем'эсын пумита. Тулыс кизёнэз, пар гыронэз но картопка мерттонмес быдтймы. „Гырон быдтон“ праздник дыр'я Вало шур дуре вылазка лэсьтыны пус'иське.

Колхозной производстволысь стахановец'эсты но стахановкаосты премировать карон оргчоз. Со бере шудон'эс, эктон'эс, кырзан'эс луозы.

„РККА“ колхоз, Скородумов.

Бызылытон кампания сярсы

Ас дыраз но умойлыко вал'эсты бызылытонэз орчытон вал'эсты тырослыко каронын решающей инты бастэмез сярсы асьмелы одиг минутлы но вунэтыны уг яра. „РККА“, „Удмурт“, „Красный путь“, „Виль сюрес“ но „Красный лог“ колхоз'эс та ужлэсь кулээз валазы. Бызылытон пункт'эсысь заведующиослэн но колхоз председател'эслэн вал'эс сярсы, вал'эсты тырос лыдо карон сярсы зэмос нюр'яскеменызы татын бызылытон кампани туж усто йылпум'ямын.

Та ни бен „Горд шеп“, „Ноябрь“, „Герой“, „Сталин“ но В.Шидлуд сельсоветысь колхоз'эс кад'эсыз,

котькоче „стихийность“ нимам'яськем вылэ зибиськыса, та же туж кулэ луись мероприятилэсь палэнскизы. Кылсярысь, Антонов но Борисов колхоз председател'эс, асьсэлэн номыр карисьтэменызы, эр вал'эсты жуммытйзы но али соос та же кулэтэм причина вылэ пыкиськыны туртто. Та же ужюгдурен сэрэн та колхоз'эсын бызылытон кампаниез орчытон борды али гинэ кутскизы.

Та ужюгдур борды озы кутсконо, чтобы вань эр вал'эсты бызылытонэз быгатон но соос ваньмыз ик чуньы ваёнось мед луозы шуыса укез орчытоно.

Собин.

Колхоз ваньбурез асэсто

П.-Жикья сельсоветысь „Шонер сюрес“ колхозысь Чайников Егор но Камашев Федор бригадир'эс сельхозартельлэсь уставэз тйяло. Кылсярысь, артельлэн чик

разрешениезтэк Камашев 180 килограмм но Чайников 600 килограмм кидыс картопкаез киултйзы. Нош мерттыны колхозлэн картопка кидысэз өз тырмы. П.

„Повестез“ прокурор кутскыны кулэ

Банковской уж'я закон вань: нырысь ик уждун ужасьёслы но служащойёслы тырыське, кыктэтйаз — наркомфинлы налог, куиньметйаз — госбанклы ссуда, нылетйаз — исполнительный документ'эс'я, витетйаз — вань кылем счет'эс'я оплатаен операци мынэ.

Лесопункт но заготзернолэн пунктэз та финансовой законэз тйяло. Кемалас ик овёл, лесопунктлэн начальникез Коноплев но лесопунктлэн главной бухгалтерез Ворончихин, ог ласянь, но заготзернолэн пунктэныз управлять карисез Логинов но пунктлэн бухгалтерез Раскопин, — мукет ласянь, куспазы сделка заключить каризы. Договорзы соослэн та же вал: лесопункт заготзернолэн пунктэзлэсь склад'эссэ перевозить карыны подряд бастэ, нош берпумыз мед'я. Та дыр'я лесопункт заготзернолэн пунктэзлы госбанк пыр счет'эс пред'являть уг кары, нош пырак гинэ заготзерно пунктысь 19 сюрс манет тыр 19 тонна сезыен бастэм. Тини ваньмыз. Татчы вуыса, кызыке верало, соос точка пукто...

Нош ми сямен точка пуктыны вазьгес на. Лесопунктлэн но заготзернолэн пунктэзлэн та же проделкаоссылэн кутсконэзлэн тусыз гинэ валали. „Повесть“ одно ик татысен кутскемын луыны кулэ. Нош кутскыны, милемлы адзиське, прокурор кулэ. Шонерак вераса лесопункт но заготзернолэн пунктэз та же махинациос лэсьтыса финансовой дисциплинаез бадзьем нарушение вуттйзы. Нырысь ик заготзернолэн пунктэзлэн склад'эсыз нуллон капиталовложени'я ортчыны кулэ вал. Нош та лэсьтэмын овёл. Лесопунктэн расчет лэсьтон понна пункт государственной нянез кутйз. Нянь ке израсходовать каремын вал, соин чош ик солэн коньдонэз банк пырты заприходовать каремын луыны кулэ вал, таиз но озы ик овёл. Нош лесопункт нянь бастыса ужасьёслы уждун өз сёты. Ку уждун тыремын луоз, тодмо овёл. 1 июнь азелы лесопункт ваньзэ вераса 216 сюрс манет ужасьёслы уждун тырыны кулэ.

Сандаков.

Физкультурник'эслы луонлык нылдытоно

Горсоветлэн председателез Епифанов но горкомхозлэн заведующиоз Тарасов театрлэсь дирекцизэ паркен кивалтонлэсь палэнтыса паркен кивалтонэз асьсэ кие бастйзы. Виль кивалтос тыршысь калыклэсь культурно обслуживать карон понна курон'эссэ обеспечить карсалыз кетатын номыр но умойтэмез луоно ойвал. Озы ке но паркез устэмлэн нырысь нунал'эсаз ик мукет уж'эсыз возматоз. Тани, паркез устэтон нунал сярсы горсовет афишировать өз кар. Парк унолы дась ойвалэн пумитаськиз. Вуз карись организациос парке ветлйсьёсты но кытчы чидантэм ляб обслуживать каро. Виль шудон но серектон тус эс овёл. Парке ветлйсьёс о жытак гинэ аллеяз тупат'ямез, тупат'ямтэ танцовать карон площадкаез, жобесь буфет'эсты ад'е.

Физкультурной укез паськыт вёлмытон понна площадкаын луонлык'эс овёл. Епифанов но Тарасов эш'эс физкультурник'эслы верало: „Парке ветлэлэ коньдонтэк но тренироваться кариське, нош 2 часысен 4 часозь гинэ“. Укез та же выллемен пуктон зэмзэ вераса физкультурной укез паськыт вёлмытонлы пид пунктэмен луэ. Физкультурник'эс кулээз'я тренироваться кариськонлэсь лишить каремын. Соос мукет спортэн шудонлэсь, футболэн сяна, лишить каремын. Соос тыпак паймо, что соослы парке котьку дыр'я дунтэм дуньны ке но парке ветлыны луонлык сётымтэлы. Физкультурник'эс паркысь суботникын активно участвовать каризы шуыса горсовет тыпак вунэтэм.

Фатеев.

Критикаез жикатйзы

28 мае УПМ-лэн трикогажнэй мастерскояз ужась нылкышноосыи печать нунал сярсы собрание орчытйськиз. Большевитской печатьлэн историез но рабселькоровской движенилэн очередной задачеаз сярсы верам доклад беркужмо прениос кутскизы. Солоницына, Копылова но Максимова эш'эс калыклэсь т у ш м о н ' э с с э - т р о ц к и с т ' э с - ы з , вредительёсыз, шпион'эсыз но диверсант'эсыз шараянын газетлэсь бадзьем рользэ пус'

йзы. Соос озы ик райсобеслэн учебно-производственной мастерскоезлэсь бордгазетэзлэсь ляб ужээ шараязы. 'Сыче праздниклы но международной Коммунистической кышномурт нуналлы, УПМ-ын борд газет өз поты.

Собрание бордгазетлэн ответственной редакторезлэн Игумнова эшлэсь отчетной докладзэ кылзйз. Игумнова критикаез шонерен ляд'яз но со сяна парткомлэсь бордгазетлы юрттымтээзэ вераз на.

Трикотаж'ёслэсь, швейной изделиослэсь но мукет промтовар'ёслэсь розничной дун'ёссэс синэтон

ССР Союзьы Народной Комиссариатлэн Советсылэн ргешениез'я 1 июнисен туж кулэсь паськыт кутыськись промышленной вуз'ёслэн дун'ёссы синэтэмын.

1 июнисен быдэсак куньы вуз'ёслы переоценка лэсьтэмын. 349 нимо хлопчатобумажной тканьёслы, 168 нимо грубошерстной тканьёслы но одеял'ёслы, уно сю нимо льняной тканьёслы выль дун'ёс тупатэмын.

Патефон'ёслы дун'ёс 15 процентлы синэтэмын. Кылсярысь, „ПТ-3“ патефон 58 манетлы дунтэм сылэ. Вуриськон машинаос 10 проц. синэтэмын. Киын вуриськон машина 20 манетлы дунтэм сылэ. Мех'ёслы дун синэтэмын 5 проц., спортивной вуз'ёслы—12 проц., электролампаослы—8 проц., укно пиялаослы—15 проц., выль сорт'ем папирос'ёслы—10 проц., парфюмерной вуз'ёслы шоро-куспо вераса—15 проц. Коробка спичка 2 коп. сылэ. Та сяна СССР-ысь Совнаркомлэн нимысьтыз пунктэмез'я туалетной майталэн розничной дун'ёссы шорокуспо вераса 15 процентлы синэтэмын.

* * *

СССР-ысь Совнаркомлэн пунктэмез'я 1937 аре 1 июлисен 5—15 процентлы трикотажлы, выль жечлыко швейной изделиослы, галантерейной вуз'ёслы, мебельлы, музыкальной когырлы, школьной принадлежностьлы игрушкаослы синэтэмын.

370 нимо трикотажной изделиослэн дун'ёссылы выль преис-куронт юнматэмын ни.

Нылкышно вискозной платьелэн дуныз 103 манет но 50 копейкаысь 98 манет но 30 копейкалы синэ, футболка 7 манет но 5 копейкаысь 6 манет но 70 копейкаозь синэ. Озы ик Наркомлегпром предприятиясыныз лэсьтэм выль жечлыко швейной изделиосызылы выль преис-куронт юнматэмын. 4-ысен 6 процентозь тканьёслэсь дасям массовой вурем швейной изделиослы дун'ёссы синэтэмын. Куд'ёсызылы та аре 1 июнисен дун'ёссы синэтэмын ни. Выль преис-куронт'я бобриклясь вурем демисезонной пиосмурт пальто (размерез 48-56)—164 манет но 90 копейка сылэм интые 151 манет но 60 копейка сылоз, басмалэсь вурем нылкышно платья 20 манет интые 16 манет но 80 копейка сылоз. Костюмной триколэсь вурем 2 борд'ем пиосмурт костюмлэн дуныз 10 манетлы но 75 копейкалы синэ. Школьной арес'ем ныл'ёс понна вурем сатин платьелэн дуныз 2 манет но 5 копейкалы синэ.

Озы ик школьной принадлежностьёслы но дун'ёс сино. 119 номеро готовальня 15 интые 14 манет но 25 копейка сылоз, 117 номеро готовальня 10 манетысь 9 манет но 50 копейкаос гинэ, одиг дасоэз перо 30 копейка интые 25 копейка сылозы, ученической ручка 15 копейка интые 13 копейка сылоз. 5 процентлы розничной дун'ёс вань ранц'ёслы, книганоскаослы, ученической портфельёслы, школьной сумкаослы, портэм тус'емэсь пенал'ёслы синозы.

Можга районьы „Гырон быдтон“ праздникез ортчытон План

1. 7 июнисен 18 июнэзь колхоз'ёсын но сельсовет'ёсын социализмо чашатскон договор'ёслэсь быдэсмемзэс ваче эскерон ортчытэмын. Со понна райисполкомысь уполномоченной'ёс лэзисько.

17 июне сельсовет'ёсын кизёнэз но пар гыронэз йылпум'ян сярэсь пленум'ёс ортчытоно. Со договор'ёсты быдэстэмез но Октябрь революцилэн 20 ар тырмонэзлы сязыса выль удалтон басьтон понна нюр'ясконэз ваче эскеронлэсь итоговой материал'ёссэ райисполкоме ваёно.

Райисполкомлэн уполномоченнойёсыз 18 июне чукна 9 часлы Можга городэ колхоз'ёсысь организованной порядоке умоесь колхозник'ёсты но колхозницаосты, тракторист'ёсты но трактористкаосты, колхоз но сельсовет председателёсты нуо (ответственноез Колесников).

2. 18 июне 10 часын чукна кизёнэз но пар гыронэз йылпум'ян'ёс сярэсь райиспол-

комлэн пленумез усьтыське

3. Пленум бере физкультуралэн но Осоавиахимлэн массовой мероприятиоссы кутско, соослэн планзы'я (ответственноез Фатеев но Павлов).

4. Можторг праздникез лык-тэм мурт'ёсты обслуживать карыны сион вуз'ёсын, ческыт юон'ёсын, мануфактураен но пыд кугчанэн вуз карыны кёняке ларек'ёс но лоток'ёс кылдытэ но озы ик сокулы столовоез дася (ответственноез Пузаков).

5. Парк кулэез'я тупатске. Жыт 8 часын гужем театрын постановка но усьтэм экранын — кинокартина (ответственноез Красильников).

6. Райздрав паркын медицинской юрттэт кылдытэ (ответственноез Васильев).

7. РОНО, ВЛКСМ РК колхоз'ёсысь самодеятельной драматической но хоровой кружок'ёсты, намаз арганчиосты, кырзасьёсты быдэзм крезь шудысьёсты өтёнэз но соослэсь выступлениеоссэс ор-

Районть

Колхоз'ёслы ссуда

Туэ арын госбанкен но сельхозбанкен районьысь колхоз'ёслы минеральной кыед, корнеплод кидыс, муш, племенной ош'ёс басьтыны, автомашинаоссэс тупатяны но тракторист'ёслы уждун тырыны 349 сюрс манетлэсь ятыр ссуда сётэмын. „Удмурт“ колхозлы но „Трактор“ коммуналы клевер кидыс, племенной эш'ёс но парсьёс басьтыны 6 сюрс манетлэсь ятыр ссуда сётэмын.

Горбольницалэн подсобной хозяйствоаз сясыкаос

Туэ арын горбольницалэн подсобной хозяйствоез шунит интые 25 турлы сясыка кизиз. Соос пöлын 7 турлы астра, левкой, резеда, виола но мукет пумо вань 20 сюрс выжыос сясыка узым парник'ёсы мерттэмын вал. 3 июньлы организациослы но частной мурт'ёслы 6 сюрс выжылэсь ятыр—950 манетлы вузамын ни. Больница котырын сюрс выжы мында мерттэмын.

10 сюрс манетлэсь ятыр утэмын

31 майысен 4-тй июнэзь Можгаысь райсберкассаен 115 утэм'ёс тыремын, соос пöлысь 3 баджымысь—быдэн 750 манет. Выигрыш тырэмлэн лыдзы 10897 манет лыд'ясыке.

Культура но шутэтскон паркын

Можгаысь культура но шутэтскон парклэн кык нунал ужатозяз, 5 но 6 июне, отсы 3315 мурт ветлиз. Танцовать карон площадьын 580 мурт танцовать кариз.

Колхоз'ёслы племенной такаос

Та нунал'ёсы Нылга, Вавож, Алнаш но Можга район'ёсысь колхоз'ёслы 515 йыр племенной тонкорунной цыгайской такаос ваемын. Соос пöлысь 280-эз такаос Можга районлы сётэмын.

Етйн ужын ужасьёслэн совещанизы

4 июне выль удалтэмос етйн басьтон бордын ужась звеньевод'ёслэн но стахановец'ёслэн етйнэз будэтон сярэсь районной совещанизы ортчиз. Совещаниын Екатерина Кошечева, Василиса Ипполитова, Августа Малых, Анна Смолина, Ульяна Астраханцева, Апполинария Якимова, Елизавета Саратовова но уно мукет'ёсыз етйн ужысь дано стахановец'ёс вал. Соос етйн уж'я специалистлэсь-агрономлэсь докладзэ кылзйзы, асьсэос но вераськызы, кызы етйнэз будэтано, кызы удалтэмлык басьтылызы но кызы туэ арын рекордной удалтэмлык басьтозы.

Пыны чипыосты быдтэ

П.-Жикья сельсоветысь „Шонер сюрес“ колхозысь фермаезлэн заведующиезлэн Лукояновлэн пуныез ог'я фермаын кылле. Та ар кызын пуныен 141 чипы быдтэмын ни.

Таёе ужпум колхозысь кивалтисьёсты чик уг сюлмаськытты.

п.

ганизовать каронэз быдэсто.

8. Завод'ёслэн но мукет предприятияслэн директор'ёсыз умоесь стахановец'ёсты колхозник'ёсты но тракторист'ёсты чашка чай дурын олытэнызы воштыськыны приемез организовать каро.

9. Городысь школаос паркын самодеятельной искусственызы выступать каро (ответственноез Красильникова).

10. Предприятиослэн директор'ёсы но учреждениослэн руководителёсы асьсэ предприятияоссэс но учреждениоссэс чеберлыко оформлять каро. Вань оформлениос “7-8 миллиард пуд нянь но юн-нянь октон-калтон кампанилы умой дасяськон понна“ лозунглы подчинить каремын мед луоз.

11. а) 19 июне колхоз'ёсын но сельсовет'ёсын праздник ортчытэмын, мар понна селькооп'ёс но Можторг калык люкаськон азын сион вуз'ёсын но ческыт юон'ёсын вуз карон организовать каро (ответственноез Бабкин но Пузаков).

б) Культучреждениос но

школаос сокулы выступлениеос дасяло но калык трос люкаскон интыосы выступать карыны ветло. Арганчиос, актисьёс, декламатор'ёс но мукет'ёсыз праздникин организовать каремын мед луозы. Озы ик чыдэтскон интыосы биллиард'ёс, шашкаос, шахмат'ёс но мукет шудон'ёс нуэмын мед луозы.

в) Кытынке луоно, чай юон но сиськон организовать каремын медло.

12. Колхозысь праздник'ёсты обслуживать карыны понна колхоз'ёсы ог 50 коммунист'ёсты уполномоченнойёсын лэзёно но колхоз'ёсын но сельсовет'ёсын агитбригадаос кылдытоно.

13. Котыкуд колхозын „Гырон быдтон“ праздникез ортчытон понна намаз плаи лэсьтэмын луыны кулэ, нош солэн копиосыз 12 июньлэсь бере кылытэк райисполкоме сётэмын мед луозы.

Комиссия.

Редантор С. И. ЗАГРЕБИН
Поттись Райисполном